

白鶴山房詩鈔

白鶴山房詩鈔卷九

歸安葉紹本仁甫

古今體詩一百首

題鄭少谷先生手書真蹟

抗節爭南狩高名孰與同人如長孺
蕭詩學杜陵工郎署頭空
白鬪山花自紅蕭森遺墨在飛動意沈雄

仿道山論詩得絕句廿四首

魯國弦歌已渺茫
唐山調漫按宮商
幾篇樂府低徊意直與新
宮河水長

枚傳當年五字真
柏梁汾水氣蠅螭
建安恰有文章骨不枉人
間賦洛神

昂藏嵇鶴邈山河
江左風流鮑謝多
獨有柴桑通妙理
過溪一

笑問維那

金蓮瓊樹漸繁華
庚嶺分明又一家
綺麗要開唐世界
雲機五

色豔奇葩

王駱盧楊派不同
龍門腹彙最稱工
太原公子虬髯在
早遣羣

賢拜下風

顏波橫制有黃門
水碧金膏句內存
從古文章薄綺麗
後人何

意味根源

修文學士競才賢
許國燕公手筆傳
不及冥鴻天際好
曲江風

度自翩翩

鹿門樵唱接王維
華子岡前折露葵
最愛天都連太乙
淋漓元

氣入聲詩

李杜光芒逼太微
南陽渤海共驂駢
古來文物開天盛
幾個珠

傳夜半衣

千秋嵩岱有韓公
鞭走蛟螭駕赤龍
十相威嚴大神力
何人鬼語泣秋蛩

斜簪散髻意蕭森
長慶騷壇付醉吟
義備施詩新樂府
未教元相附知音

詩品王官莫細論
開成而後半西崑
玉溪生自雄旗鼓
漫笑兜莖粉黛痕

名畫難將院體求
豔詞莫但說錢劉
君看格變歐梅後
自有江河萬古流

削成太華壁孱顏
才力要難過半山
總遜廬陵風格好
葛巾羽扇鎮蕭閒

磊落坡公一代雄
長空浩浩御天風
無人會得華嚴趣
目眴雲

煙變滅中

廬嶽雲開側面嵐曹溪一滴慧公龕半甌雙井春泉活試把涪翁句子參

遺山風力道園能俊旨清詞得未曾自是北南分兩派幽燕老將水雲僧

楊虞詩律皆追古一統皇元氣象殊上嗣蘇黃開季迪寶船檢得盡明珠

誠意青邱角兩雄開基信有漢唐風若論巧力能兼至北郭詞人句倍工

臺閣三楊能偉麗仁宣之際故應難紫陽正學方流行頗異堯夫擊壤看

應手泉珠機織紗正聲一代數西涯衣冠閒雅非優孟卓犖紆

徐是大家

何李詩篇晒未休紛紛撼樹總虬蟬蓬頭響耳登徒婦翻如東
家肩黛修

虎賁形似亦何疑終勝蓮花唱乞兒學得參軍蒼鶻面教人齒
冷老伶師

白雪樓高氣自清弇州健筆亦縱橫憑君莫信虞山語浪子前
朝本竊名

黨同伐異莫相矜自有薪傳無盡燈著眼狂花皆客慧霞衣雲
表看飛昇

賀陳石土同年 記名御史

司諫權原抵宰衡休言東觀似蓬瀛鐵肝定要青蒲拜水署何
如白簡榮嚴憚至今思汲黯爭臣從古說陽城知君曾有千秋

在肯使雕蟲過一生

曹母彭孺人貞節詩

徹瑱徵奇節清風女史傳心如蒲葦執志比柏舟堅東眷門楣
貴南州族望先五夏懷祖訓貞順媿前賢

漆室吟非矯臨川孝獨真人間冰玉性天上藥珠身竹翠能凌
雪蓮香不染塵卅年茹蘗意辛苦爲彝倫

白傅金鑾石宣文絳幔紗銘椒劉氏宅飛絮謝公家綰髮型能
遺鳴環訓不差新昌方繼美柏府噪霜鴉

聖代風聲樹清門禮教嚴

主恩重綸綵

雅化洽閨襜鳳髻三辰拜烏頭萬姓瞻珥彤慚史筆立雪憶程

檐

唐人小忽雷歌爲繼蓮龕廉使昌作

忽雷之制傳何年文檀作槽桿撥全吟龍回頭叫令月雙柱韻
遊珠盤圓黍管程量未尺半紅袖掩抑思嬋娟絲繩枯木解人
意眼中便覩修蛾妍我聞晉公昔使蜀巨木遮蔭桐材堅百鳥
和鳴集其下臨風枝墮聲鏗然遂命夔襄錯犀象製成雙弄追
田連又聞大和盛女部內家絃索誇歌筵浮以鴟夷幸不死中
丞名字畱稗編二說牴牾不相入綠公白雪難差肩此器胡爲
合爲一絃戩那奏高山篇瑤撮金縷製本異臣滉拜獻誰所鐫
或者傳聞頗失實相公所進非湘絃年深往跡那可辨但愛古
韻餘纏綿雁塞天高秋月白烏孫有恨生窮邊南內淒涼舊法
曲玲瓏散水聽潺湲九百年來幾興廢世事渺渺移星躔獨遺
此器未淪沒飄零真欲傷花鈿蓮龕使君本絕俗錦囊什襲隨

征驪寒帷夏到故宮地渭水北繞魚龍川酒酣試與彈夔索空
堂冰鐵驚晝眠東塘題句夏細讀黑河夜雨迷秋煙

鳳將雛爲朱蘭友編修

珩作

丹山鳳能將雛五采翁雛毛羽殊翔遊珠樹本並命康寧身悅
榮樂俱是風何來吹井梧嚴霜歛萎琅玕株翅垂口噤老鳳臥
啾啾忍聽雛號呼是時鳳侶心鬱紆吮血欲染啼鵲朱寄巢亟
飼鳳雛食窮陰殺節冰塞塗晨搆雛還夕雛往精衛銜石腸爲
枯風輪轉旋不須臾仙翮竟委衡山隅鵲絃悽悵彈寡鵠護雛
卻幸逢離珠雛今刷羽翔廣都上林得食鳴提扶春陰慈竹乍
回首猶憶啄菹親茹茶寒雲沈沈雪壓廬萬木立鐵天模糊畫
圖試認乳雛處白日慘澹無歡娛世間鸞子多艱劬葦苕鶉鳩
能安居此雛長成異凡鳥獨能反哺如慈烏高岡之旁苞采敷

玉山禾實爲母儲端門金珠尺一下嗚呼鳳德今時無爲君載
歌鳳將雛

題閔正齋公孫大娘舞劍器圖卽東石士

秋風蕭蕭秋樹直急雨空堂日車長陳侯示我劍器圖滿座傳
觀俱動色霓裳繡帶光陸離鴻鸞龍婉非凡姿轉旋撇捩眩儻
忽天地合沓雷風隨凌躍超騰無定相星迴電劃神爲王貼地
俄翻靜婉腰縈塵卻學旋娟狀元氣蒼茫入傾巾絳唇珠袖妙
傳神宜春弟子當時態寫入生綃總逼真舊事荒涼閱時代幾
人親見娑盤技但看瀏灑頓挫姿應識波瀾曾莫二延政坊中
舊內家杜陵淚灑瞿塘花此圖筆力破餘地合令草聖師龍蛇
閱君一生湖海客卽今此畫已難得擲簡成詩意慨慷開軒目
注寥天碧

題蘭卿薇垣歸聚圖

吟成紅藥句增妍才子承

恩正妙年此去榕城風日好

御香薰暖合歡筵

神仙眷屬豔樊劉樹是交柯萼並頭他日千行首與慶青廬同

拜

主恩稠

四十高堂鬢未絲蘭羞雙奉進瑤卮雲綉設真人座一曲瑯

璈奏管師

總角才名噪荔鄉白蓮千朶照深廊網珊幸慰持竿客手種瓊

枝是豫章

蓮開霧夕日霞朝風調何郎故自超自向妝臺咏新句一枝眉

黛筆初描

瀨水船歸賦翟翟當年盛事記紅薇

謂深陽相公以中舍入翰林乞假歸娶

喜君

發軔初程在陌上花香拂賜衣

雨中遣興和石士

淋浪一夜雨涼氣卷輕紗全溼牆頭草低垂簷角花孤懷惟自語幽意與誰誇清絕岐亭客來過和仲家

六街泥滑達常恐溢秋霖已慰三農望頻催四序心夢迴拏野艇疎想插斜簷佇爾高名在休爲擁鼻吟

秋日偶成

深館簾垂午晝長金風入戶作新涼幽人未預塵間事自撥薰爐炷好香

輭紅百丈鎮喧逐輕輓軒輿白往來惟有冷官心似水坐看黃

葉點蒼苔

中秋偶成

秋晚餘炎在天清宵月高常年輪吐桂終歲火銷膏皓影催塵
鬢流光換絮袍風花憐鼎鼎對酒意蕭騷

題達摩渡江卷子

大江渾渾長天漠漠道人何來袒肩露脚折葦橫空跨蛟凌鱗
四大海水一毛孔託何有微塵雪山吹藥流浪浮萍衆生飄泊
漚泡中間於何住著西天衣鉢墮鷁巢鷗但求形相已墮禪縛
是耶非耶蒲團芒屨試認達摩煙空月落

梧門先生詩集入靈隱書藏

平生未攬江南勝此日魂應翠嶽依百首新詞畱箭東千年雲
氣護松扉維摩詩格原同調兜率仙山好共歸莫向舊龜悲逝

水慧燈已照石泉飛

題王石谷諸家合作歲朝圖

晴窗相向寫春風
冷豔穠芳態不同
陡憶江城花事早
折枝齊插膽瓶中

平寇詩十二章爲繹堂制府師作

威聲銅柱震朱垠
又築錙壇拜

命新世仰夔龍來
禁鑿

天教貔虎付元臣
珠鈴策祕傳黃石
玉版勲高翊

紫宸自是北平遺
訓永蘭芽復見傑
魁人

萬里夷郵卷旆馳
平淮專仗相公師
掃餘兇燄同蓬燭
滌盡妖氛等籜吹
旋戍詩歌三捷速
格苗功晒七旬遲
紛紛狐兔何煩戮
天上分明大將旗

蟠木流沙拱

聖朝帛書牛腹敢與妖太平符水誅元義長樂修齋破子饒蛙
踞穴中真聚蟻燕巢幕上漫鳴鴉星弧一引天狼殪奕奕文昌
麗絳霄

百戰身親寶甲擐柳營羣仰令如山火珠齊迸星千簇雲陣周
圍月四環冢磔重尤魂盡懾骨埋汪罔血空殷修羅兵仗經魔
劫獨藉神威讐海寰

羽楫奇謨本不羣

帝能將將能軍小戎士挾同仇氣常武人爭敵愾勲突騎毛
吹來嚼鐵飛僊肉薄李摩雲潞公地望汾陽福瑀戟應鑄篆鼎
文

手挽銀潢淨洗戈靈夔布路奏鏡歌連村耕鑿安三郡夾寨烽

煙靖兩河靈擊任驅
渚水象雪飛無假
蔡池鷺笑看俄頃
櫓槍
斂兵氣銷爲景霽和

偃伯祥徵

異數隆

龍縑稠疊獎純忠
封崇五等唐方鎮
貴壓三師漢上公
彤珥仍
飄雙暈翠錦韁
遍踏九衢紅
材兼文武推行儉
麟閣何人第一

功

軼蕩

元輪照九天
召公疆理咏來宣
投戈列戍稀
桴鼓擊壤中
衢飽
粥館定遠良謀
惟置埃營平
奇計在屯田
路人爭覩旌旗色
十
萬貔貅舊控弦
飲至歡聲達

帝都

温言書接拜

恩殊明光劍履三辰煥

崇政儀鸞百辟趨宣室

受釐頒折俎

鈞天廣樂聽鳴竿雲龍石水

君臣契堂陞眞看

一德孚

帶礪河山奕葉光

中朝宰相識王商家聲

天語懷仁傑世系人心重贊皇魏笏傳來功最著韋籟貽後業

彌昌瀧岡

賜爵榮瑤牒萬古烝嘗俎豆香

黃圖形勝控井幽督亢城高擁節樓關右地雄秦內史河南郡

隸晉司州中臺領鎮陳朱鼓外相行邊建阜旂他日南康尊懿

綏韋臯嘉績簡編唐節使韋臯封南康郡王

霖雨丹青識大名金椎玉鏡仰澄清鑾坡昔幸握衣侍銀槩今

欣負駑迎濟世望真瞻斗極培材量似挹滄瀛行營珥筆慚韓

愈願勒螭碑著頌聲

廬山王文成記功碑

有明中葉其政叟將軍威武天綱淆居庸宵闕帝出遨羣小競
進紛蟾蜍大寧助逆遺蘗苗析圭洪都生蝮蚺周公輔成乘石
高貽謀奕世歌鷓鴣彬寧暗結締構牢濁浪欲激章江濤丹風
吹地黃霧妖尤來大槍同劫剽宮妝老凜志孔驕把滑不聽西

山樵疆臣伏鑽長吏逃一時鼎沸元嬰郊堂堂王公坐江臯講
學方欲窮義姚忽聞奇警傳中宵拔劍急起星芒搖指揮如意
運六韜卷甲疾走聲無囂樵舍一戰積雲燒豐隆下擊長風號
天王杵礮薜荔焦置學四布羅雉梟罔兩膽落潛山魍魎負就
縛封狐標生致不殊撤與獠銅頭頓伏鐵額消手扶宗社還臨
濠樓賢飛流三峽橋雲中五老時招邀仙靈所集稱神寮磨崖
大書石骨敲坐令逆節鋤兇豪西江可涸石可培此碑終古畱
巖坳子行三軍誰所教如公講學真不祧泚筆爲志師中爰大
星奕奕東南交

于役魏中偶成

十年橐筆傍

彤扉忽漫從戎事鐵衣舊夢頓蓬蓬關迴新霜頻點鬢毛稀那

能眠犢歌春野猶恐哀鴻叫夕暉家政真慚吾職忝巡行何敢

惜征騂

保甲事宜爲先人在晉中所定今奉旨
頒行各省余奉大府檄編查魏郡煙戶故云

魏城懷古

名城環列九河通如掌平川一望中衛水自流東郡遠薊門遙
控北邊雄虎羆爭噬懷三鎮殺鏖齊飛痛兩宮莫向前賢問遺
跡晚香堂廢圯秋風

于役澶淵贈朱少廬明府

律

鋒車倉卒出承明回首柯亭歲月更戎馬六軍看洗甲澤鴻百
室慰呼庚勤民敢恤征途瘁讀法欣逢善政行

保甲法爲先子
手定頒行河東

一路政奉
行各省鎮感矣如詔通夢到

觚稜身在遠幾番

前席問蒼生

魏博南疆控大河千秋此地幾千戈鐵槍可有威名在黃霧徒
聞警蹕過俗近齊梁原節概人鄰燕趙易悲歌循良最憶韓延
壽俎豆莘莘樂職和

百戰孤城小劫中崎嶇始得免沙蟲燐光萬點秋煙碧野哭千
家夕燧紅旗腳捎雲遺壁壘戈頭帶血沒蒿蓬潢池誤弄嗟黎
赤及早春旱菽稌種

上
吠雁無警靜花村治行由來說子元符剖離狐能卻敵轂乘晝
鹿豕探源淳風已聽歌襦袴薄俗還聞避毒瑤擬要相期千載

堯民皞皞飲衢尊

覃溪先生重赴

恩榮宴敬紀長句

國家取士二百年天網歷歷收英賢十年藝榜乃三啓得士無
慮逾萬千黎眉齟齬各登進誰歟壽考躋華顛燈毬月舫老重
到此事縹緲如風煙

高宗之朝人瑞集畧記丞相光華筵

謂無錫

相公庚戌

前後寥

寥莫相並靈光殿古驚巋然迄今盛事將二紀先庚後甲孰著
鞭我

皇繼治道益煥奎文奕奕明珠躔闕逢紀歲寫氈筆又見遊戲
蓬壺仙乾隆壬申溯嘉會

慶都瑞氣光

堯天爰

煥丹綸廣錫類南宮試啓秋蟾圓

壬申

恩科以

天香桂粟映

席帽公乃大捷泥金懸綠袍著身纔弱冠芙蓉淬鏘澄霄淵從

此金門有嚴樂潤色典誥

天文宣彈指風輪六十載公兮解紱歸林泉武公好學晚益茂
申轅古義能精研天於耆儒倍珍護鏡梨無恙神明堅軒策推
排已過二潞公大耋顏猶丹遂邀

特勅許重宴蒲輪徵石堪差肩珊瑚耀首復舊觀繡裳赤芾榮
軒駟此會人間知有幾

盛世和氣通璣璿番番黃髮紀平格瑞兆鷺鷥鳴岐汧儒生稽
古榮已極後之學者宜勉旃通衆康虔古所貴願作姑鼎螺書
鐫李充之年未有艾更從石壁求遺篇

石士同年以送鄧嶰筠出守秦中詩見示卽次其韻

輾轆征輿度歲華頻年辜負上林花量沙頗憶軍書急驂篠真
慚父老誇犢子但聞馴萬井鶉衣曾說飽千家幸逢

聖代銷鋒早處處行吟壁籠紗

王事馳驅敢憶家
卽峽叱馭任人誇
平時實政求張趙
往日虛名薄協華

螭陛恩光三接近
鳳河秋意十分佳
酒闌卻憶聯吟處
詩境同

停問字車

謂翁覃溪先生

寄懷簡菴

十載同趨蓬苑直
無端驅馬出承明
燕南薊北客行遍
槐火石泉歲已更
青瑣丹梯憐袞袞
紅牆銀漢悵盈盈
何當終返金門隱
阿閤巢痕認此生

得簡庵和句卻贈

屋梁落月軫離情
讀到新詩眼倍明
珥筆羨君銜未改
褰帷笑我跡頻更
碧紗籠句明箋滿
黃菊開筵酒戶盈
漫說勲名他日

事可堪鴻爪記平生

京師喜晤蘭雪聞將南行以詩奉柬

八年會合歧南北今日相逢

帝里秋薄宦心情同水冷畸人蹤跡等雲浮白華潔養遺詩補
青笠尋山健句畱愧我一官塵土隔幾時共作向禽游

得蘭雪和章復次前韻奉答

世事飄搖水上舟何人長嘯倚清秋轉丸歲月花開落彈指樓
臺沫聚浮那得丹梯圖籍注最難青史姓名畱乘除已悟盈虛
理一室無妨汗漫游

題蘭雪廬山紀游詩後

江水東過敷淺原中有廬岳之名山奔雲泄霧奇變不可測金
樓玉柱杳藹虛無間厥草惟夭厥木惟喬巖際萬花發青牛白

鹿臥伏蒼苔斑石門之峯高嶄岫屏風九疊堆煙鬢三峽橋邊
飛瀑響素練脫軸千秋懸周匡君晉遠公下而陶潛李白耽隱
畱奇蹤徐凝惡詩千古洗不得老坡一出廬山真面頃刻看橫
縱是山亘霄埽名字齊華嵩詩人千百各各逞雕繪之而鱗爪
未識誰真龍東鄉有吳君天賦鉅手工裹糧登躡匝月興不倦
吟成奇句一卷裝郵筒我疑金庭僊謫降來紅塵又疑曹溪廣
長舌借君說法開禪津其筆濯沆瀣其氣通氤氳紙窗疎簾即
吟一雨過恍如翠雲湧几滿紙斧劈披麻皴西江自是山水窟
我昔童年途偶陟至今夢想潯陽城隱隱香鑪含翠色官程來
往梭織途自慙輾轉疲旌旗安得片帆徑到虎溪口把君詩卷
細讀消居諸

潞河受代將之保陽畱別徐小松司馬卽次見贈原韻

旬宣分部愧乘軺握手俄驚別緒遙官道兒童猶竹馬君家閣
閣本金貂高情每挹濃逾醴麗句爭看彩絢霄三月題襟償夙
願單車悵我早鳴鑣

朗朗裴山品自崇近畿巡警擬桓驄緹車共識聲名貴赤縣偏
資士馬雄入室蘭言欣灑雪都亭柳影惜臨風離懷無那尊中
酒四海心知付孔融

乙亥元日卽事

一氣元樞轉三陽辟卦宣玉翼飛竟曉珠粟兆今年衢溢朝正
馬冠多附珥蟬忽思簪筆日劍佩拂鑪煙

上元卽事

皓魄剛圓第一輪鬢絲又逐歲華新瓊樓玉宇天邊夢火樹星
橋客裏春綰綬乍承

恩綽渥

時余奉詔儘先補用

擁旄應覩使車真黃龍白鷺銅街景回首

當年跡未陳

白澗

行宮展覲恭紀

言瞻

翠華路迤邐轉神州亭障通遼海雲峰擁薊邱呼

嵩羣望切

祭

畢上儀周引對懷前度

宵衣握勝籌

去秋軍營在此引

簡發畿南觀

天成寺

亂山迴合疑無路蒼峽中分關一門泉咽冰漸流暗壑樹穿石

罅露危根層巖曲折梯初上梵宇峻嶒斗可捫一覽坐看塵世
小四禪天本絕囂喧

東竺庵

石色騰精鐵山容盡翠微松枝低冒帽苔氣冷侵衣危磴盤雲
上幽泉過澗飛層阿行殿迴草木有光輝

潞川喜晤蔡華俞同年

任詩以代柬

霓裳天上記同聽官閣重逢鬢已星人車雲衣真變幻秋容霜
藥未飄零浮名祇愧餐雞肋旅跡依然感鹿町賴有雷陳風義
在武功尊酉對寒廳

良鄉道中

策馬長安道東風三月賒粘天迷草色攔路舞楊花

王事馳征轡流光閱歲華白蘋江岸閣曾記釣師家

瀑河道中

言循瀑河曲迢遞轉郵亭樹遠卓圓蓋山低圍黛屏戍樓雙堠
白村市一帘青絕愛溪橋路征鞍爲暫停

古寺

古寺何年廢荆榛碧殿荒臥鐘埋蔓草斷礎照殘陽燈火禪龕
暗莓苔畫壁蒼老僧頭雪白擇蝨傍山牆

題姜筠厓左右修竹圖

萬个篔簹玉不如晴空籜粉落衣裾綠雲墮地欲無影中有幽
人讀道書

毛公壇外數峰蒼銷夏灣頭六月涼只合此君相伴住千枝風

纛對湖光

寒蟬抱葉羽穿林此景閒中孰與尋千古高人美協律簫材採
向碧篔簹深

題阿雨民太守

森乞假葬親詩冊

左符清望本無倫戎馬天涯百戰身幾處懸蒲標治績頻年磨
盾記前因篠驂歌咏留樊口松徑雲煙夢析津珍重瀧岡新勒
表栒鐘昆冶共千春

菽水悽懷感素衷緣知移孝卽成忠鼎牲養慰重泉志芻粟籌
分上將功馮翊扶風雄保障桑枝麥秀兆和豐潁川入相尋常
事早晚除書下

紫宮

題鄭靜山觀察虎尾春冰圖

鐵騎馳驅閱歲年羨君早著祖生鞭妖星終射鬣頭落憶煞弓

彎破的絃

捨渠折首戰功多
橫梁勲名定不磨
血暈模黏子璋骨
驚人奇句入饒歌

颯爽鬚眉寫入神
封侯事業擬圖麟
多衣我亦參戎幕
慚愧頭銜繼後塵

白鶴山房詩鈔卷九終

白鶴山房詩鈔卷十

歸安葉紹本仁甫

古今體詩九十四首

題汪柳汀司馬觀弈小像

圖作二人對弈一人觀弈皆肖司馬像

大易象函三
慈氏法不二
形影神無殊
去來今豈異
二與一相
乘意言在空
際我我周旋
久寧復作我
態汪君磊落
人觀我得
深契幻作楸
枰圖丹青妙
遊戲空堂玉
罌陳黑白儼
分勢亦有
爛柯人拈髭
若忘世是身
如微塵夢泡
同所寄我相
卽人相安
能別真僞虛
山面目多側
峰橫嶺備以
是了諸緣無
罣復無礙
橘中龍縞存
桐畔紗籠置
一笑問先生
真我竟誰是

安肅行館夜雨

孤館清塵夢
疎疎雨脚斜
古苔皴怪石
雜樹落幽花
煩暑中宵

滌涼雲曲檻，遮似臨江岸。路閣閣有鳴蛙。

長安城道中渡子牙河作

沙雨止還作，山雲闌復開。遠煙籠古戍，野水沒荒萊。畚雨河隄急，旌輿里堠催。江河真在眼，天際片帆來。

六月廿三日雨

時雨神洲湧，森森銀竹多。早聞傾醴液，真是挽長河。高柳三升墨，遙山五斛螺。西成應志喜，九穗頌嘉禾。

至

圓明園道中偶成六絕句

槐陰柳影綠成堆，石陌平鋪馳道開。遙望西山佳氣藹，彤雲多處是蓬萊。

雨後郊原不染塵，車聲流水自鞦韆。常朝初散人歸早，一路涼

風拂紫茵

名園花木競相望幽勝還推綠野莊老樹成陰苔滿地果然仙
界現清涼

昆明池水滙清涼
荇絲風

學館書山本上清

賜廬瀟灑似蓬瀛
露荷萬柄香生袂銷夏新詩正和成

十年飽聽

禁垣鐘丹地分明
橐筆從猶喜褰帷天尺五舊巢指點認銅龍

定風莊小憩

積雨煙林翠色勻
黃茅小店淨無塵
壞牆草綠迎風舞
生意穠
穠亦可人

題韓雲溪孝廉登岱詩冊二首

中觀凌天關誰能絕頂登多君攜勝侶振策上峻嶒繫練吳門
馬垂雲大海鵬神房三十六試與訪金繩
樓確瞻奇勝穹巖足壯游人如重累畫地本列僊陬顯氣連三
島吟懷小九州期君鴻筆潤霖雨遍青疇

郊外卽事

積雨陂塘聽吠蛙漲痕深沒釣人家連畦幸未禾生耳舞浪初
看荻有花斜日長川飛雁驚斷雲遠岫幻龍蛇通波宛擅江南
勝一片帆檣八月槎

出朝陽門卽事

榆柳灣環映一邨溪流汎汎恰當門石橋經雨椿痕損古岸臨
波舍影吞滄滄魚雲明復暗迢迢蟬韻靜逾喧城東便有煙江

意快我來乘使者軒

紫竹僧房小憩

濕暑初銷後僧寮冥坐餘幽花分小墖纖草帶前除紋水筠簾
卷屏山薤籟舒一聲清磬寂午夢正華胥

送萼汀姪之官定邊

淡雲疎樹暮秋天送爾牽絲度涇川官好莫嫌棲枳棘時清且
喜靖戈鋌頭銜差比柴桑柳手版先參太華蓮他日哦松書上
攻中牟異政記同傳

寄簡庵

一水盈盈隔相思經歲年芝蘭同臭味冰雪淨因緣久別塵容
改何時短榻連交親關氣槩神夢若爲傳

潞川卽事

川原繚繞抱河流

帝閭東蟠赤紫州
粳稻千倉紅粟滿
舳艫萬里素波浮
雲橫古道斜連塞
風急高城正作秋
獨把霓旌頻問俗
迂疎何以佐嘉猷

按部潞川泛舟有作

金鱗戒素節玉瀾明長川
言巡雍奴部遵渚泛清漣
輕橈旣容與方舟復洞沿
淼淼雲水空晶晶霞日鮮
白沙迴中洲綠波媚層淵
大隄亘且修浦漵相延緣
青蕪被長坂丹林蔽芳田
邈迤見村墟土鏗生孤煙

皇仁挾近甸大有歌周年觀茲民物豐彌想生聚繁繡衣忝持節
職在淳風宣願譜由庚咏匪翫秋水篇

和莘翁同年見贈原韻

官河擢唱喜重聽慚愧麟符說使星六察正資膏豶布

九重深沐

露蕭零要期比戶無懸耜尙恐闕田未讓町回首關西遺訓在
清風頌滿紫微廳

重莅潞河使署有作

騶唱籠街兩度聽西流心宿恰周星溫風乍覺秋猶淺甘澍剛
逢雨旣零竹落正宜籌上策柳屯應漸闢農町畿東千里資藩
衛戟外嵐光照使廳

潞河按部舟中作仍用前韻

一片吳歌水調聽沙根漁火幾星星籬花的樂黃初放隄柳蕭
疎綠未零潦水漸消歸渤澥嘉禾彌望有畦町甘棠成蔭懷前
哲何處重尋節使廳

謂趙德鈞

題王漁洋先生集後

水碧金膏各自奇，修眉盛鬢鬪容姿。
嫣然別有傾城態，祇在無言獨立時。

談笑從容握勝謀，綸巾羽扇最風流。
紛紛劍盾誇神勇，空費孫郎帳下籌。

河西務作

霜落河隄曉氣清，澄秋風物可憐生。
輕橈直下丁沽水，一片寒潮擊檝聲。

魚莊雨泊

雲樹低迷帶遠洲，潞河秋水拍天流。
雷聲忽送瀟瀟雨，正在平林東渡頭。

閱視漕渠泛舟潞河有感

言望潞川楫回首卅年餘
疊浪迴沙浦澄波動太虛
風高隄畔柳霜落岸旁
蔬人事如雲幻喧呼問使旗

板橋口

灣環曲水遶晴沙
卵石天容襯落霞
只少丹楓林兩岸
輕舟行過釣人家

北運河懷古三疊前韻

浦澈縈紆欵乃聽
豈真屈曲應天星
天文志李星用曲
當年疏鑿功原

峻此日洄沿跡未零
輸挽最憐來遠郡
耕耰莫遣廢腴町
敖倉

是處尋遺蹟

河西務沿隄多有元明舊倉及關廨遺址

想像籌持計相廳

舟中望薊北諸山

廣川百里少羸顏
盡日舟行荻岸間
忽漫推篷京邑近
翠嵐湧

出薊門山

通州城外口占

鮑邱水繞雍奴古通潞亭連孤竹遙此是漁陽形勝地寒雲疎
樹晚蕭蕭
霜風颯颯送行舟陡覺輕寒襲絮裘卻憶故鄉秋色好芙蓉開
遍暮江頭

子卿出守江南寄之以詩

清名臺省重此日縮魚符江左雄繁地淮陽德望孚民多樂耕
稼俗每困征輸財賦東南劇無令膏血枯
甲科同歲射蜜醴喻平生酒盞循環飲詩牌擊鉢賡比鄰鷺鴨
開接軫鷺鷥行此日岐南北何時會合成

寄懷蘭卿京師

咫尺修門隔思君無已時中朝多俊彥之子獨經奇漢殿簫能

山竺早吹黃樓詞筆停磬石寫流脂

待地盛延秋妙詠皆葩華生口頰雲露洗胸懷銅鉢吟偏
金鋪響最諧慚余紛簿領夜燭眼頻揩

題張萱仕女乞巧圖

癡牛駮女東西隔手挽機絲織秋月上天垂象催女紅昏中三
星照東壁羅雲澹沓金風天穀板花瓜勝事傳一鈎織月掛林
隙絲絲爭賭鍼痕穿桐露生涼蓮粉墜閉庭寂靜流螢至玉闌
遞迎接層霄翠朶珠翹顏色膩低鬟再拜淑且真願分餘慧從
天人璇璣錦軸照今古更聞妙手稱鍼神萑葦載績幽風義何
用繡文誇絕技不見寒窗織素人那來珍館焚香地守拙惟應
淺淡妝授衣時節念爲裳元黃朱綠傳秋染雲漢昭回詠七襄

酬吳春麓前輩見贈原韻

臺閣名高第一流

神倉治粟傍鳧洲，羨君憲府初乘傳。愧我廉車尚給由，定例司道履任

部給由憑明史職官志已有此名白簡威聲傳。

北闕青箱家世冠，南州鴻才待展爲霖手。

帝後曾聞讀九邱。

敢認時材軼衆流，畿東一路控滄洲。淳風欲返仁和里，要塞頻連緊望州。欬唾快投珠錯落，襟懷共暢景夷由。相期促膝論今

古名德從來重太邱。先生仍世濟美比于潁川云

永平道中

蘄塞東盤識岫容，令支濃翠鬱龍從。懸車度谷思遺蹟，竟海爲關紀曩封。巖石怪如李廣虎，水泉清出慕容龍。

神京左臂屏藩壯，好遣耕翁帖野農。

丙子元日

桃符懸戶覺年更愧我輶車戒曉行敦朴未能齊薄俗講張何
術化愚氓騶與祗忝褻惟望旌節深慚剖竹榮陡憶鯉庭春晝
永又周太乙頌長庚先君子分守河東於乙未歲年四十五是
佳節祝長庚之句本今歲年四十九大乙
之數早周而於途次度歲情景相似故云

平樂道中寄懷石士

負修門咫尺隔雲霄話到仙瀛夢已遙揚激漫襄廉問職疎庸恐

聖明朝稍欣墉櫺藏都足尙願析楊氣早消瞥眼年光如過隙
吳霜頻向鬢邊飄

聯襖題襟十載情大羅仙詠記分明詩材誰似黃門健官職真
如紫府清落筆雲煙生狡獪堆牀籤帙任縱橫還君鳳沼原堪

樂待譜

昇平雅頌聲

蔡生甫鴻臚乞假南旋詩以代柬卽次留別原韻

朝簪脫後澗柴寬莫道中流勇退難老學每爾芸館望幽懷早
採菊英餐八磚尙憶雍容度三徑原無異患干自是湛然波不
起定心何用遣人安

臯比曾記擁朱垠

先生曾主粵東
講席教化大行

此去吟壇筆有神積穀晴嵐

堪著屐餘不秋水好垂綸茅簷曝背金鸞夢栗杖過頭玉礪春
江國淳風猶似昔憑將

聖澤詔愚民

奉和覃溪先生與蘭卿荳鄰論詩見寄之作

元亭憶昔握衣侍恰似清漳宅卜鄰繡斧慚爲乘傳客緇林頻

見受經人語參摩竭心原妙詩到陳芳派始真我愧疎蕪親吏
事難將凡骨擬通神

半空飛下鳳鸞音頑礦陶鎔哲匠心自昔雅材歸麗則何人筆
法契雄深鯨牙學海才宜健牛耳騷壇道孰任今日蘇齋同鄭
里漫從北海問良鍼

夷齊廟

昔仰仁人里今來拜古祠乾坤節大節兄弟立民彝北海波堪
挹西山蕨尚遺唾他射鉤相博物識兪兒

讀覃溪先生石洲詩話仍用前韻奉寄

文章妙手從天得奚必清詞麗句鄰珠好怕逢留檳賈金稀莫
怨揀沙人楚庭那識龍爲幻唐肆應知馬未真俄頃洪濛游已
遍憑虛纔信羽車神

每從燥濕辨絃音想見陰何苦用心夙悟能超鐘律外移情祇
在海山深注眸矢侍由基射墜鼻斤惟郢頌任自得良方貽肘
後膏肓廢疾不須鍼

三月十二日喜雨時

聖駕方幸南苑恭賦一律

鑿鈴吉日舉春蒐甘雨知期潤紫油兩番恰乘風信暖一犁初
試土膏柔平原草淺堪調騎繡陌泥融已沒軻自是六符諧

帝德

時巡膏澤遍神州

宏仁橋謁碧霞元君祠作

泰元徵受策琳宇闕郊闈法象丹青煥

天題日月新潔蠲隆秩祀膜拜走村民霖雨崇朝徧應滋大地

春

賀簡庵

記名外簡

中允聲名海內知

御屏今復拜

綸絲傳家銅鼓威稜遠治世金椎抱負奇虎觀早看勤日直犀

鬣行見肅風期與君先後鷹

宸簡獨愧竿吹潞水湄

石士以詩扇見貽率韻奉答

春筵憶共把璫后瞥眼流光又入時

夏至後半月爲三時地接吳中田家謂之入時

銅街猶覺遠詩穿珠顆未嫌遲散材自愧偏治劇高論何能卻

減卑拜手清風煩暑滌故人心跡雪霜知

題許周生武部鑑止水齋詩集

吳興大雅久不作歎君出語如風松餘不溪淥寫肝膈葛公山
翠開心胸白雲在天意蕭遠澗水觸石聲琤琮閉門卻掃耽菱
製迴視軒冕皆塵容

石士復入翰林寄之以詩

鑾坡一出那重還鄭重

綸言紫禁頒舉燭誤真緣聽瑩埋輪心本爲懲奸槐廳草綠尋
初地蓬島花紅認故山明日趨

朝徵異數螭坳偏壓殿中班

故事編修侍
班在科道上

督漕潞河口占

新水平添一尺強塞垣懸溜下漁陽盤渦迴薄鳧鷗喜沙激連
延持藻香邪許乍聞喧百丈嘔啞倏見轉千檣析津上應知非

偶八穀年年達

帝鄉

檢鑑止水齋集有李將軍

長庚

詩余昔在閩南熟聞其事

爰作長歌用補詩史

澎湖嶼外鯨波立黑水洋南黑風黑大星一夕墮餘皇羅刹酣
嬉鬼神泣將軍忠勇世少雙陰符祕計吞孫龐師干得鷹嶺面
寄十年歧海恬旌艘盧循剽悍孫恩鷲虺毒潛吹甚蜂蠆閩兵
延頸待浙兵公以偏師履危地三宮九意竿默操水犀之甲雄
于潮惟公蓄銳在大舉豈同河上師逍遙合圍方作擒渠計不
道修羅魔劫至孤軍深入遂無援山兆彭亡竟傾墜老蛟妖霧
歎珠宮碾火光騰巨艦紅卡公拳爪常山舌披髮騎麟訴上穹
天吳含怒神鼉憤殺骨何堪膏虎吻惟公英氣在人間閃閃靈

旗精爽緊事聞

玉陛獎忠魂
燕士榮分鐵券恩
江淮萬福知名久

天語褒揚動九閩
嗚呼鼓鼙思將帥
將軍志節應無二
敦詩說禮大賢風
誰意樓船師失利
遺廟巍峩碧水濱
過車巷哭幾州
民驚門濤吼
蚶江雨高冢
祁連列隧新
塞天浩氣依然
在終見
公膺殲渤澥
徒薪曲突
溯前勲
殺賊睢陽
非厲鬼
我昔持衡
古冶城
郵籤往復
見平生
卽今話舊餘
振觸寫入新
詩筆陣橫

題吳穀人先生集後

古意新裁得未曾
槐廳芝苑譽飛騰
吳儂傭販皆冰玉
越國溪山付佛僧
豔影巧摹天水碧
皴痕全學富陽繒
西泠派別流傳
處合與西江作代興

讀列子一首

列子論至虛莊生說齊物那知宇宙間萬類至不一洪鈞所鼓
繡織悉速毫末譬如黃河流千里注溟渤玉石與泥沙一氣中
蕩涵奚能等量觀不辨精粗質鷓鴣與鸞鳩隨化各超越小大
皆天成順則了無闕何必齊不齊鉅細兩俱失川流敦化德並
育化機溢時哉觀行生高卑天地別

驟雨

西山雲湧失峯屏南浦殷雷動地聽掠樹風聲如虎猛撲簾雨
氣帶龍腥翻盆直恐銀河溢潤野真疑玉液零我正鈴齋忙判
牘陟教清夢落荷汀

題東坡集後

天水才名付大峨鳴酬雙鳥化工多劫灰五季文章盡特使先
生繼雅歌

大海瀾迴顛氣橫廣長無礙舌蓮生昌黎李杜三分鼎公自金
鑪一冶成

讜論忠規日月懸奎光常照斗牛躔那同文士論工拙齒冷蝦
蟇駭灌川

閩夏卽事

溽暑雨無候酸然成夕陰屯雲在檐北已復度西岑斜日逗疎
影長風吹遠音所欣嘉穀茂千隴翠煙深

楊村道中

爨隸雲光極浦橫新秋佳日此巡行大田已有西成意流水惟
聞東注聲衆綠粘天何所屆蔚藍映日最餘清雍奴風景如江
縣慣聽連檣萬艫鳴

行部梁城偶成五言二十韻並柬傅明府

蘆臺軍設後此地號繁雄沃野連維北瀛波控大東鹽田沙皓
皓星淀水滾滾煙渚千家鏡雲帆萬里風波塘明鷺羽村舍隱
烏篷曲港潮生落圓天影覆幃亭高欹短筇隄遠跨長虹草樹
何深蔚郊原盡鬱蔥權人兼網戶魚柵雜牛宮白小登盤細黃
中剖殼融菰蒲沿岸長杭稻卜年豐渤碣疆殊古江淮景欲同
樓船兵氣靜菽粟稅錢元列戍元菟近浮槎碧漢通寨帷慚擁
傳攬轡愧乘驄保聚欣茶赤謳飲聽叟童海濱原斥鹵萊畝那
耕墾化俗須崇本防奸在詰戎養恬應共引科斂莫相窮寄語
神明率先成撫字功

奉和簡庵冬夜獨酌感懷韻

昔賦從軍行貔虎觀桓桓今持憲使節當食愧素餐斯民苦凋
劫復褐常不完安得萬丈衣擊壤羅羣歡公等坐承明矻矻文

史殫騫騰會有時勿詫行姍姍相期貞冬心炳燭忘夜闌

賀簡菴督儲陝右

雄關百二控邊隅

帝遣儒臣董粟芻列戍千軍屯戍校贏糧萬斛混庚呼西都好
檢蘭臺賦左轄應分竹使符君自節旄家世貴莫嫌合浦欲移

珠

糧使以稱撫仕今

功令

肅清不復仍前豪雄矣

秋日郊行

秋意澹林垆秋光上野亭樹容團瘦綠山色隱空青紫穗全登
隴黃蘆未刈汀愛他枝畔蜨翩舞最伶俜

題孫秋士寒窗燈影圖

宣文紗幔認依稀一穗燈明白板扉午夜吟聲茅屋徹梅花香
氣透重幃

秋畫熊丸母訓同慈明兄弟舊家風一編好識劬勞意范傳由
來獨教忠

春暉倏忽逝川波慟絕臯魚可奈何他日甘泉圖畫裏不教青
史姓名磨

中秋觀月三首

圓靈積清氣秋至逾分明美此皓月姿皎潔流金精纖阿本陰
魄兌坎象互呈盛德乃在秋湛湛圓規盈三五卦納乾當酉升
東瀛照見羽毛棲令人肝膈清陽烏旣西匿續以玉燭熒羽衣
駕素蚪顛徹玻璃聲瓊宮與桂闕俗說多不經但看纖翳無知
我心神瑩

金颺振林莽玉宇凝高寒皎皎牟尼珠光彩徹大千冰輪行白
道徐碾天街寬顛氣騰精英四溢光團團少昊正司節摯斂功

方殫長夏盛陰靈一掃埃壻捐樞衡自旋轉成此無涯觀萬彙
何蕭森清如濯洎盤今月卽古月皓皓七寶完歲歲此良夜何
用生悲歡

二儀妙迴幹四序工推移獨有清秋節令人祛塵思涼風旣動
戶鴻雁方南歸懸此清宵光萬里無磷緇鱗雲何澹蕩圓魄逾
輝輝須臾更解散微滓安所施金盈水斯壯蘊此胚胎機萬寶
益畱孰穎粟知無遺端居觀物理元象參幽樞忽聞木犀香已
度千家堦

題青牛度關圖

五千道德重東都柱下斷斷一老僑何事出關畱異跡流傳也
等七賢圖

宿高碑店作

垂楊影裏認前邨，獨鹿寒煙古戍屯。山豁秋原寬眼界，林懸初
月澹眉痕。依微燈火尋茅店，灑灑旌輿近。
國門我正觀民欣，擊壤車處處飲衢尊。

題蘇叔黨斜川集

文章忠孝識清門，也似原泉湧地翻。俊逸可憐真玉樹，淹通奚
止辨金根。一官乘障邊風遠，萬里趨庭海氣昏。珍重遺編矜晚
出，好教什襲重瓊璠。

水月菴禮佛偶成

精藍小築傍城闌，曲水周環不染塵。偶禮金仙來淨域，卻參寶
月認前因。人間露電元無準，世外優曇總未真。早向維摩空結
習，天花任落袂衣新。

秋夜偶書

霜風初定息歸鴉官閣燈明靜不譁與客相於惟綠綺伴人清
坐有黃花飛翼正報方州牘擁絮應吟處士家獨把一編塵事
少祇疑退食日東華

奉寄石士

文章風義最思君咫尺春明未離羣著述好畱千載業鐘彝誰
策一時勲蘭臺芸閣餘清望玉海珠叢記異聞獨向漫堂懷往
哲騷壇何以張吾軍

昔宋漫堂先生官此與漁洋竹垞諸先生唱和不絕見本集中

邊化道中大雪奉酬聶京圃同年陶然亭眺雪見懷原韻
一夜青山白龍公試手豪徑深樵路斷寒壓嶺雲高叱馭心彌
壯流年首暗搔來姓知有兆農事慶東臯

隨牒慚持斧迂疎百不能故人眞友石琢句擬清冰憶戴情何

水攀嵇興倍增玉華廣唱處高詠意飛騰

宋雍熙三年於玉華殿御製雪詩命歐陽

和屬

題章右泉別駕餘閒嬉鶴圖

桐陰滿地蒼苔積日永庭階映深碧主人科跣百事無目注胎
禽引脩翮仙姿本自來海天瑤池飲啄分琅玕縞衣元裳貌清
迥肯與衆鳥同籠樊呼吸元霞飽朝露鶴亦如人絕塵趣鳴陰
舊澤况留貽一一揚音起珠樹丹山毛羽自超羣鳳族鸕雛五
色分偶伴琴笙師闕道青田皓質會凌雲一官幸共潮河檝里
社枌榆早相接雲帆轉粟不辭勞歲歲陳紅報臺牒膠漆眞聯
肺腑交素儀皎潔想霜毛鈴齋畫掩門如水我亦秋心在九臯
披圖卻羨蕭閒意阿堵傳神有佳致何山山下舊巢深夜半書
聲出蒼翠白衿烏紗露氣涼知君骨相最昂藏盤霄一舉三山
遠那共雞鳧問稻梁

題沈青齋先生松廬圖

蒼濤謾護牛眠頭，白羲之替墓田。此際夢我心暫慰，晨昏猶似逮親年。

午夜風號未定枝，淒涼宰樹有餘思。鹿馴白毳烏丹羽，記取功文立宅時。

禹貢平當授一經，鬢河功績在淄青。孝思終雪防封涕，單舸輕

辭射戟亭

公奉

事竣後仍回籍終制

蕭蕭竹樹傍覺洲，大好桐川水碧流。獨掩柴關題永慕，閒情休

比五湖鷗

壽骨依然霜鬢鬚，仙姿真與鶴同癯。歲寒風節稜稜見，青士蒼顏貌得無。

蕩節相望泗水濱，當年風義重雷陳。瀧岡回首松楸隔，我亦終

身痛魚民

先大夫陳臬青齊與公爲同僚誼最篤

鸞湖曾記泛蒲帆入座春風拂檜杉今日披圖倍惆悵口中石

闕若爲銜

余於戊午歲謁公於嘉禾里第嗣余北上通籍後不復見矣

海山一去典型遙過眼風光總易消喜有瓊枝能接武虬柯會

見翠凌霄

白鶴山房詩鈔卷十終